



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De poenis & gloria mortuorum, cap. primum.

urn:nbn:de:hbz:466:1-13177

DE POENIS ET GLORIA
MORTVORVM LIBRI
DUODECIMI

CAPUT PRIMUM.

CAESARIUS.

*De pœna
& gloria
mortuo-
rum in
genere.*

Mat. 25.



I C V T hora vndeclima diem ad occasum trahit, ita duodecima eundem concludit: bene autem in distinctione duodecima tractandum de præmiis mortuorum arbitror, quia die completo, laborantes in vinea remunerantur: vnicuique hominū dies suus est præsens vita, videat quomodo laboret in vinea, id est in Ecclesia. Dies hæc quibusdam brevior, quibusdam longior, quibusdam clarior, quibusdam obscurior efficitur: dies hæc aliis est hyemalis, his scilicet qui in infirmitate sunt & in angustiis; aliis æstivalis, eis videlicet qui in gloria viuunt & deliciis: aliis verò vernalis, qui in flore sunt iuuentutis; nonnullis autumnalis, id est, eis qui ætate matura pondere deflunt senectutis. Duo sunt loca æternaliter à Deo præparata, in quibus labor diurnus remuneratur, cœlum scilicet & infernus: in cœlo merces est justorum, in inferno merces reproborum. De illo iudex in fine bonis & justis dicturus est: Venite benedicti Patris mei, percipite regnum, quod vobis præparatum est ab origine mundi; de isto verò: Ite maledicti in ignem æternum, qui paratus est diabolo & angelis eius. Quāta sit merces justorum, quam ineffabilis, quam innumerabilis, Isaías breui sermone comprehendit, dicēs:

Isai. 64. Oculus non vidit Deus absque te, quæ præparasti diligentibus te. De pœnis inferni, quæ innumerabiles sunt, nouem specialius notantur, quæ sequenti versiculo comprehenduntur: Pix, nix, nox, vermis, flagra, vincula,

vincula, pus, pudor, horror: Hæc tormenta nouem
fine modoque carent. Est adhuc tertius locus post hanc
vitam, quibusdam electis ad purgandum deputatus,
& a re purgatorium vocitatus, hic temporalis est, du-
rans usque ad diem iudicij. Quæta verò sit futura glo-
ria bonorum, siue pœna malorum, quibus etiam suf-
fragijs iuuari possint hi, qui in penitentia sunt purgatorijs,
et si non plenè, quod prorsus est impossibile, ex his ta-
men quæ sequuntur exemplis, majora poteris perpe-
dere. A POLLONIVS: Primum mihi ostendas tor-
menta reproborum, nouissimè gloriam & gaudium
justorum, ut sic nostra collatio cum lætitia finiatur.
CÆSARIVS: Quanta sint tormenta tyrannorum, exa-
ctorum, usurpariorum, adulatorum, superborum, siue
aliorum qui grauiter Deum offenderunt, nec pœni-
tuerunt, secundum quod a religiosis didici personis,
quibusdam tibi pandam exemplis.

CAPVT II.

Lodewicus Lantgrauius maximus tyranus fuit, *Tyranno*
de quo supra dictum est in distinctione prima, *rū pœna*.
capitulo tricesimo-quarto: hic cum moriturus
esset, præcepit amicis suis, dicens: Mox ut mortuus fue-
ro, cucullam ordinis Cisterciensis mihi induite, & ne
hoc fiat me viuente diligentissimè cauete. Obedierūt
illi, mortuus est & cucullatus. Quidam vbi miles quidam
vidit, commilitones ironicè allocutus est, dicens: Ve-
rè non est similis domino meo in omni virtute, quidam
miles erat, non habuit parem in actibus militiae; fa-
ctus verò monachus, omnibus factus est forma disci-
plinæ, videte quidam diligenter custodit silentium suum,
nec unum quidem verbum loquitur. Anima verò eius
cum educta fuisset de corpore, principi dæmonio-
rum presentata est, sicuti cuidam manifestissimè re-
uelatum est: sedet eodem tartarico super puteum, &
scyphum manu tenente, huiusmodi verbis Lantgra-
uium salutavit: Bene veniat dilectus amicus noster, o-
stendite illi triclinia nostra, apothecas nostras, cellaria
nostra, sicq; cum hoc reducite. Deducto misero ad lo-
ca pœnarum, in quibus nihil aliud erat, nisi planctus,
sobitus,